

Deporte Local

Sarah Quita Offringa ta marca historia un biaha mas ganando e titulo mundial di wave na Hawaii




ORANJESTAD (AAN)- Despues di binti aña e disciplina di Wave di mundial na Maui, Hawaii Diahuebs a conoce un campeon mundial nobo y ta nada menos cu un yiu di tera cu Aruba ta orguyoso di dje cu ta e superstar Sarah-Quita Offringa. El a gana su prome titulo mundial den e disciplina di Ola durante di e Mercedes Benz ALOHA classic 2019 na Maui, Hawaii. Esaki sigur ta un noticia sumamente positivo pa Aruba caminda e hoben aki a marca historia pa Aruba, mirando cu awor e no tin solamente 4 titulo mundial den Slalom y 12

titulo den Freestyle pero 1 titulo den Wave tambe cual ta bira un total di 17 titulo mundial.

Desde su prome titulo mundial den freestyle windsurf na 2008, nos orguyo Sarah Quita Offringa a bira imparabel den e tour profesional di windsurfing, PWA.

Cada aña Sarah Quita a logra un of mas titulo mundial, un total di 12 consecutivo den freestyle, un hecho sigur di admira y aplaudi. Es mas varios di e titulonnan mundial Sarah Quita a logra como un estudiante ehemplar tanto na Aruba y despues na Hu-



landa, cual no ta tabata nada facil. Su legado den e PWA ta bisto, esaki nos por a prescencia durante 297sports su bishita na e prome tour di 2019 na Bonaire. Tur e personanan cu nos a combersa cu nan a elogia e talento di e atleta Arubano. Pero mas cu tur cos loke pa hopi ta haci nos orguyo Arubano grandi ta su carisma y humildad como persona, manera hopi a bisa; "Sarah Quita ta un hende di tur hende un persona senciyo".

Su lista di victoria den 2019 ta simplemente IMPRESIONANTE

PWA Bonaire Forsa freestyle 1st place

PWA Pozo wave 3rd place


PWA Fuerteventura freestyle 1st place

PWA Tenerife wave 3rd place

PWA Hvide Sande Denmark slalom 1st place

PWA Sylt wave 1st place

PWA Maui Aloha Classic wave champion



PWA Women's Freestyle World Champion

PWA Women's Wave World Champion

Sarah Quita a expresa riba su facebook "No words at the moment. Just...Waaaauwieee"

Thanks so much already to everyone for all the supporting and kind messages. They mean a lot. A celebraaaaaarrrr".

Pabien Sarah Quita cu e logro maximo aki y un exitoso aña 2019. 297Sports